



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 17/08 i 20/10), člana 10 Zakona o izmirenju obaveza po osnovu računa stare devizne štednje emisijom obveznica u Brčko distriktu Bosne i Hercegovine (Službeni glasnik Brčko distrikta BiH, broj 16/09 i 19/10), i Prijedloga odluke gradonačelnika broj:02-01.2-000738/10 od 9. juna 2010. godine, Skupština Brčko distrikta BiH, na I. nastavku 29. redovne sjednice održanom 14. jula 2010. godine, donosi

### ODLUKU

O DRUGOJ EMISIJI OBVEZNICA BRČKO DISTRIKTA BOSNE I HERCEGOVINE ZA IZMIRENJE OBAVEZA PO OSNOVU VERIFIKOVANIH RAČUNA STARE DEVIZNE ŠTEDNJE

#### Član 1. (Predmet)

Odlukom o drugoj emisiji obveznica Brčko Distrikta Bosne i Hercegovine za izmirenje obaveza po osnovu verifikovanih računa stare devizne štednje (u daljnjem tekstu: „Odluka“), uređuje se način emitovanja obveznica Brčko Distrikta Bosne i Hercegovine po osnovu računa stare devizne štednje verifikovanih u toku 2009. godine (u daljnjem tekstu: „obveznice“), a s ciljem izmirenja obaveza Brčko Distrikta Bosne i Hercegovine (u daljnjem tekstu: „Distrikt“) po osnovu verifikovanih računa stare devizne štednje.

#### Član 2. (Iznos emisije obveznica)

(1) Iznos druge emisije obveznica je 7.566.104 KM koji čini neisplaćeni iznos verifikovanih obaveza po osnovu računa stare devizne štednje u skladu sa Pravilnikom o postupku verifikacije potraživanja i gotovinskih isplata po osnovu računa stare devizne štednje u Brčko Distriktu Bosne i Hercegovine (u daljnjem tekstu: „Pravilnik“), nakon gotovinskih isplata.

(2) Iznos iz stava (1) ovog člana predstavlja sumu pojedinačnih verifikovanih iznosa, umanjениh za isplaćene gotovinske isplate i poslije otpisa iznosa u penzinzima za svakog povjerioca.

#### Član 3. (Elementi obveznica)

Osnovni elementi obveznica su:

- emitent: Distrikt;
- nominalna vrijednost druge emisije: 7.566.104 KM;
- naziv emisije: druga emisija obveznica po osnovu verifikovanih računa stare devizne štednje;
- vrsta obveznica: dugoročna obveznica sa kamatnim prinosom (kuonom), neograničeno prenosiva, u nematerijalizovanom obliku, na ime;
- nominalna vrijednost jedne obveznice: jedna konvertibilna marka;
- tip emisije: primarna emisija;
- redni broj emisije: druga emisija;
- broj emitovanih obveznica: 7.566.104;

